



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádası, János

Romæ, 1658

Anno MDLXXXIV.

urn:nbn:de:hbz:466:1-42840

diens fuit, conspectum à se vultum Deiparae hilare.

A N N O M D LXXXIV.

934 Ad seruendum ægris impensis, & ad alios ad idem efficacitate maiore cohortandos, vehementer se incitatos senserunt Mexicaní Patres eo quod in literis huius anni narrant exemplo Deiparae cum SS. Catharina & Magdalena in valetudinario cibum in os ægræ fæminæ ingerentis, & eam persanantis. vnde fama obtinuit, sedem in eo Nosocomio sibi Deiparam delegisse. Alijs quoque infirmis cibum ibidem præbere visa est Dei Mater, Catharinâ & Magdalénâ nunc mappam, nunc lances manu sustinentibus, ac ægros confirmantibus.

935 Hoc item anno exemplo didicit Mexicanus quidam Pater, eos qui confitentur, ad B. Virginem supplices ire debere. Is Indum à peccatis nō statim absolverat, vt persanaret; sed iusserat pellicem primùm dimittere, ac præstitutis certis corporis afflictionibus animum ad serium fructum poenitentia præparare, ope Deiparae implorata. Obedienter fecit omnia Indus; cùmq; se vesperi Deiparae Matris in fidem perdiligenter commendasset, eā nocte se illi monstrare ac loqui videbatur in gloria parvulus eius frater olim vitâ functus qui eum ad poenitentiam hortabatur: item Christus de Cruce minaciter eum obiurgans; denique circumdata splendida maiestate Deipara cū Sanctis Petro ac Paulo Apostolis Christo pro peccatore supplex, ac eius nomine meliora spondens. S. Petrus illum simul grauissimis verbis obiurgabat, simul in spem erigebat, dicens; fore vt si præterita licenter commissa castigaret, Beatæ MARIAE deprecationes

veniam facillimam impetrarer. Tum tremendas inferorum pœnas conspexit, à dæmonis insidijs per S. Michaelem Archangelum liberatus. Denique cælestem quoque gloriam introspexit: ad Patrem rediit, visa narravit, & accuratè dolenterque confessus, ipso eriam emendatissimæ vitæ suæ tenore ostendit quid opis ab implorata Deipara veniat ijs qui se pœnitentiæ Sacramento per illam parant.

936 Goæ miles ad internas DEI vocantis voices diu refractariolus, eoque animi anxius, auxilium reperit apud DEI Matrem: coram cuius imagine prostratus, externâ etiam quadam luce circumfusus alijs quoque conspectus est; ac tantum haufit luminis int̄n̄i atque animi, ut statim & pœcata per confessionem abiecerit, & Societatem IESV tandem inierit; ad quam interno DEI vrgentis instinctu, & lumine vocabatur.

ANNO M D L X X X V.

937 P. Matthæus Albenoza DEI Matrem insigni obseruantiā colebat: vtque se verum Matris amabilis filium, etiam moribus præberet, placida quædam in illo & propensa erga omnes voluntas, erga seipsum duritia eluxit. Morientem dulcissimis delicijs impleuisse dicitur conspecta illi cum S. Petro Apostolo DEI Mater.

938 Annuæ Nolanae hoc anno perhibent, ipsam Deiparam fœminæ cuidam conspectam illi consultricem fuisse ac peramanter monuisse, ut pag. 57. Sacerdoti de Societate confiteretur: ita sanam, & latam fore. Nunquam sinè magno operæ pretio ab illa opem flagitant ad benè fungendum magno illo officio tam confessarij quam ij qui peccata confitentur.

939 Salmanticenses literæ hoc de argumento
hoc

*Vt te per
vincas, ad
illam re-
currere.*

*ob. Bilbili
22. Ian.
1585.*

Mors.